

采芳隨筆卷五

北平查彬伯埜輯

迎春花僭品也一名金腰帶春前有花如瑞香色黃花經
迎春花七品三命瓶花譜迎春花六品四命三柳軒雜
識以為僭客唐白樂天詩云幸與松筠相近栽不隨桃
李一時開杏園豈敢妨君去未有花時且看來宋晏元
獻公句云淺豔侔鶯羽纖條結兔絲偏凌早春發應笑
衆芳遲韓魏公詩云覆闌纖弱綠條長帶雪衝寒折嫩
黃迎得春來非自足百花千卉共芬芳迎得新春入舊
科獨先嘉卉占陽和今年頓被寒摧折應為尖頭送暖

多劉原父啟詩云沈沈華省鎖紅塵忽地花枝覺歲新
為問名園最深處不知迎得幾多春趙子衡師俠清平
樂詞云纖穠嬌小也解爭春早占得中央顏色好裝點
枝枝新巧東皇初到江城殷勤先去迎春乞與黃金賈
帶壓持紅紫紛紛

鋤探春花本末枝幹絕似丁香花白成穗亦似白丁香花
但無香耳葉似榆稍大二月開壯地多種之而全芳備
祖羣芳譜諸書皆不載若王漁洋居易錄云今京師臘
月即賣牡丹梅花緋桃探春諸花皆貯暖室以火烘之
所謂堂花又名唐花是也據此則探春花為前人所漏

載矣家初白有詩云本是丁香種先後臘尾開一叢疑
積雪繁蕊欲欺梅南客今初見新詩悶強裁君看凡草
木猶帶好春來

長春花久品也一名長春菊一名金盞花一名醒酒花一名杏葉草花大如指團圓如盞可四季開宋梅聖俞堯臣詩云鍾令昔醒酒豫章留此花黃金盞何小白玉椀無瑕始入何郎宅還歸楚客家從茲不能醉只恐賣流霞石湖題張希頴紙本長春云染根得靈藥無時不春風倚闌與挂壁相伴歲寒中近時家初白詩云小小黃金花媚人如自獻聊陪今日賞適我他方願衆醉敢獨醒不勞持盞勸錢稼軒題畫長春花云四季花開各有司獨調元氣作芳時東皇受命頴常少萬八千春似者誰又畫長春云繁華不斷領羣芳誰說東皇鎮日忙花

史若教脩月令四時長得紀春王又畫金盞云盞取其
形色取金九霄元氣獨堪斟此花亦有長春號願借稱
觥作寶箴

附錄側金盞花如小黃葵葉似槿歲暮開與梅同時

金雀花巧品也叢生莖褐色高數尺有柔刺花生葉傍色
黃形尖旁開兩瓣勢如飛雀春初即開可作茶品宋翁
道源元廣詩云管領東風知幾春也將俗態染香塵有
人不具看花眼惱殺飄蓬老病身近時錢稼軒題畫金
雀花詩云翅尾翩翩附幹柔月中光帶委波流偶然耀
首同釵樣不解深閨詠四愁

金燈花燭品也一名鬼燈檠一名朱姑一名鹿蹄草一名
無義草謂其花與葉不相見也人惡種之故名根名山
慈姑葉狹莖端開花金燈色紅銀燈色白亦有黃色者
衆花簇一朵如絲紐成累累明豔垂條不自支花經金
燈七品三命宋晏元獻公詩云蘭香麝燭光猶淺銀燭
燒時燭不馨好向書生窓下種免教辛苦更囊螢楊異
齋句云如龍乍化青藜燭寧用窗前設短檠

錄附

金燈花晉武帝為撫軍時府內後堂砌下忽生草三株
莖黃葉綠方總金抽翠花條萼弱狀似金燈有美人姚
馥字世芬充廐養馬妙解陰陽之術云此草以應金德

之瑞後以府地賜張華猶有草在故茂先賦云擢九莖
于漢庭美三株於茲館貴表祥乎金德比名類乎相亂
說見拾遺記

杜鵑花怨品也以二三月杜鵑鳴時開故名一名山石榴
一名映山紅一名紅躑躅一名山躑躅高者四五尺低
者一二尺花如羊躑躅而蒂如石榴花有紅者紫者五
出者千葉者閩部疏載豫章有濃淡二色復有一種黃
者湧幢小品以為有二種其一先敷葉後著花色丹如
血其一先著花後敷葉色差淡嘉泰志云近時又謂先
敷葉後著花者為石巖以別之前人但謂之紅躑躅葉
細花小色鮮瓣密雲南志云杜鵑有五色雙瓣者永昌
蒙化多至二十餘種草花譜云出蜀中者佳謂之川鵑
花花鏡謂之春鵑平泉草木記稽山有四時杜鵑花經

杜鵑八品二命躑躅七品三命三柳軒雜識呼為仙客
唐李太白宣城見杜鵑詩云蜀國曾聞子規鳥宣城
還見杜鵑花一叫一回腸一斷三春三月憶三巴孟東
野郊酬鄭毗躑躅詠云不似人手致豈關地勢偏孤光
裊餘翠獨影舞多妍迸火燒閒地紅星墮遠天忽驚物
表物嘉客為留連張文昌籍寄李渤詩云五渡溪頭躑
躅紅嵩陽寺裏講時鐘春山處處行應好一月看花到
幾峰白樂天山石榴花云曄曄復煌煌花中無比方豔
天宜小院條短稱低廊本是山頭物今為砌下芳千叢
相向背萬朵互低昂照灼連朱檻玲瓏映粉牆風來添

意態日出助晶光漸綻燕支萼猶含琴軫房離披亂剪
綵斑駁未勻粧絳焰燈千炷紅裙妓一行此時逢國色
何處覓天香恐令栽金闕思將獻玉皇好差青鳥使封
作百花王又戲問山石榴云小樹山榴近砌栽半含紅
萼帶花來爭知司馬夫人妬移到庭前便不開又山石
榴寄元九云山石榴一名山躑躅一名杜鵑花杜鵑唬
時花撲撲九江三月杜鵑來一聲催得一枝開江城上
佐閒無事山下劖得廳前栽爛漫一欄十八樹根株有
數花無數千房萬葉一時新嫩紫殷紅鮮麴塵淚痕裛
損臙脂臉剪刀裁破紅綃巾謫仙初墮愁在世姍女新

嫁嬌泥春日射血珠將滴地風翻燄火欲燒人閒折兩
枝持在手細看不似人間有花中此物是西施芙蓉芍
藥皆嫫母奇方絕豔別者誰通州遷客元拾遺拾遺初
貶江陵去去時正值青春暮商山秦嶺愁殺人山石榴
花紅夾路題詩報我何所云若云色似石榴裙當時叢
畔唯思我今日欄前只憶君憶君不見坐銷落日西風
起紅紛紛又句云瞿曇弟子君知否恐是天魔女化身
又句云猶有一般辜負事不將歌舞管絃來曹響濤松
寒食日題杜鵑花云一朵復一朵併開寒食時誰家不
禁火總在此花枝王仲初建宮詞云大儀前日暖房來

囑向昭陽乞藥栽勅賜一窠紅躑躅謝恩未了奏花開
杜牧之山石榴云似火山榴映小山繁中能薄豔中閒
一朶佳人玉釵上祇疑燒却翠雲鬟成毘陵彥雄杜鵑
花云杜鵑花與鳥怨豔兩何賒疑是口中血滴成枝上
花一聲寒食夜數朶野僧家謝豹出不出日遲遲又斜
吳子華融杜鵑花云春紅始謝又秋紅息國亡來入楚
宮應是蜀冤帝不盡更憑顏色訴西風韓致光偈杜鵑
花云一園紅豔醉坡陀白地連梢簇舊羅蜀魄未歸長
滴血祇應偏滴此叢多羅鄴句云蜀魄千年尚怨誰聲
聲啼血向花枝宋東坡趙昌躑躅云楓林翠壁楚江邊

躑躅千層不忍看開卷便知歸客路劒南樵叟為施丹
又句云南漪杜鵑天一無披香殿上紅氍毹真山民杜
鵑花云愁鎖巴雲往事空只將遺恨寄芳叢歸心千古
終難白啼血萬山都是紅枝帶翠烟深夜月魂飛錦水
舊東風至今染出懷鄉恨長掛行人望眼中哀潔齋燹
石巖花云巖畔移來謾一叢鮮鮮忽發十分紅細看頗
與駿明類言善方知美在中生平悵惓了無華投老胡
為也愛花家釀朋壺助清興會看落筆吐天葩楊誠齋
杜鵑花云泣露啼紅作麼生開時偏值杜鵑聲杜鵑口
血能多少恐是征人滴淚成何須名院看春風一路山